

Ro Ki Yoan Ta Iwe Ru Pa

¹O mooribi^a tau Anutu ipei katu mi ikamu ma we lene kek na, nio ta aŋwe mboronjan pa lupjana ki Kriŋi, ta aŋbeede ro ti ima pu niomjan lutum bizin.

Pa sua ŋonoono ta ilup ti ma leleŋ piom ilip kat. Mi nio itun tamen som. Nio niamjan wal boozomen ta tiute sua ŋonoono, ta leleyam piom.

²Niam leleyam piom paso, sua ŋonoono imbotmbot la lelende. Mi sua tana ko imbotmbot raama iti ma alok.^b

³Sua ŋonoono mi mbulu ki Tamanda Anutu mi Lutuunu Yesu Kriŋi ta tiur lenen piti na, ko iwe zaala piti be tikampe iti, mi timunai iti, mi tikam ti ma tombot ambai. Ŋonoono.

Toto sua ŋonoono mi tuur lelende par piti

⁴⁻⁵O mooribi, nio aŋleŋ lutum bizin pakan urun ta kembei: Zin titoto sua ta Tamanda Anutu iur piti na, mi tipa pai kizin ma indeeŋe men pa sua ŋonoono. Tabe ikam yo ma leleŋ ambai kat. Mi iŋgi aŋbeede ro ti ima piom bekena ipombol niomjan lutum bizin mini pa mbulu ki lelende par piti. Sua ti, poponana som. Iŋgi tutu tau teleŋ ta mata popoten mi imar.^c ⁶Mbulu ki lelende par piti na, ka zaala ta kembei: Tapa pai kiti ma indeeŋe men pa Anutu tutu kini ta boozomen. Mi tutu kini biibi tau keleŋ ta mata popoten mi imar na, ta kembei: Bela tuur lelende par piti mi tuur lelende pa Anutu.^d

Yesu ka koi bizin

⁷Motoyom iŋgal ituyom! Pa wal boozomen tau tipandelndel zin tomtom, ta tiwwa pa toono i. Wal tana tiurla kembei Yesu Kriŋi isu toono ma iwe tomtom na som. Wal ta kembei na, wal pakamkaamjan, mi tiwe Yesu ka koi.^e ⁸Tana motoyom iŋgal be kikiskis sua tiam. Naso kakam kadoono ambaijana ta Anutu isombe ikam piom na. Tana kere. Kokena

^a **1:1** Iŋgi Yoan ibeede sua “mooribi,” mi ves 13 iso pa “tizim moori.” Wal ngarjan tiso ta kembei: Iŋgi Yoan ikam sua toorjana: Moori ru ti timender pa lupjana ru ki Kriŋi.

^b **1:2** Yo 8:31+ ^c **1:4-5** Yo 13:34+ ^d **1:6** Yo 14:15,21, 15:10 ^e **1:7** 1Yo 2:18+, 4:1+

uraata ta mungu amkam piom na isaana, to kadoono tiom tana iko piom.^f

⁹Sombe tomtom sa ire kembei sua ki Krisi irao som, mi iseenge pa ngar pakan, ina ni, Anutu imbotmbot raami som. Tamen sombe tomtom sa ikiskis sua ki Krisi, inako ziŋan Tamaana mi Lutuunu tiparlup zin ma tiwe tamen.^g

¹⁰⁻¹¹Tana niom, sombe tomtom sa ima ipet tiom, mi iso yom pa sua toro ta ipa ndel pa Krisi sua kini, na koso sua pini mi kakami ma ilema ruumu tiom pepe. Kokena kagaabi pa uraata kini sananŋana tana.^h

Sua pemetŋana

¹²Nio moton ŋgalŋgal sua boozomen tabe aŋso piom. Tamen leleŋ be aŋbeede se ro pepe. Tana leleŋ be aŋma aŋre yom, mi itiŋan taparre iti, to toso lende sua mi lelende ambai kat.

¹³Tizim moori ti, tau Anutu ipeikati na, ziŋan lutuunu bizin tikam aigule kizin piom tomini.

^f 1:8 Ga 4:11 ^g 1:9 1Yo 2:23 ^h 1:10-11 Ro 16:17; Ep 5:11; 2Tes 3:6; Tit 3:10